

تورک یوردی

نومرو ۲

تشرین ثانی ۱۳۴۰

جلد ۱

اوج مدیت

[کچن صاییدن دوام]

بوراده مهم بر نقطه یه تماس ایدیورز . شخصیت ملیه مز نه اوله جقدر ؟ عجبا بویله ظاهر و باطن بوتون موجودیتیزله باشقه لرینه اویمق ایسترسه ک ، ده کیشمه یین شخصیت ملیه مز ی غائب ایتک تهله کسنه معروض قالمایز می ؟

اولا بو اوزلکک نه دن عبارت اولدیغی آگلایلم : عجبا بر ملتده تبین ایتمین ، ابدی ، مقدر بر خصوصیت ، بر اوزلک وارمیدر ؟ اوزلکدن بحث ایدنلر متمادیا بونک اخلاقدن ، حقوقدن ، لساندن و سائرده دن عبارت اولدیغی ادعا ایدیورلر . فقط تاریخ ملل اوزرنده ک سطحی بر تأمل - بوتون بو عناصرک لایتبدل و ابدی اولمادیغی اثبات ایدر .

تاریخنده دینی لاقلا ایکی کره د کیشمه یین هانکی ملت واردر ؟ تورکلر مثلاً وقتیلله شامانی صوکره بر چوق دینلره کیرد کدن ک صوکره اسلامی قبول ایلشدر ! عربلرده - اسلامیتدن اول - بر قاچ دینه منسوب ایدیلر ! ذاتاً بویله اولمیان دنیاده بر تک ملت یوقدر . اخلاق و حقوقه کلنجه - بونلر ماهیتلری اعتباریلله بیلله متبدل و متحولدرلر ! ده ا دون فنا و قییح تلقی اولنان بر شی و یاخود فعلک عین محیط ایچنده بو کون اینی و محسن عد ایدلیکی هر کون مشاهده اولنان حادثاتدندر . حقوق ایسه متمادیا کچیردیکی تحول و تبدلاری تثبیت ایتک ایچوندکره بوتون بو محالس تشریعه ، بوتون بو پارلمانلر ، بوتون عالمده قورلمشدر . حقوقی - غیر متبدل عدایدن ملتله - انجماد ایتش و مستحاضه حالنه کچمش اولان اقوامدرکه آنلردن بوراده بحث ایدیلله مز . آرزوچ ابدیت قوقوسی لساندن کلیور : فقط بوده حقیقی و عمومی دکلدر . مثلاً

بوکون اسلاوجهنی قبول ایتمش بولغارلر کندی قدیم لسانلرینی غائب ایتشلردر . کذا بوکونکی انگلیزجه ، انکلتزده یاشایان باشلیجه درت عصردن هانکیسنه عادلسانک تمادیسیدر؟ هانکیسی خصوصی برطرزده اوئی بنمسیه بیلیر؟ مع مافیہ برملتک تاریخنده الکیزاده پایدار اولان وهمان لایتبدلک درجه سنه وارن عامل لساندر . یعنی بالکیز لساندر که ماهیتی دکیشمه دن تکامل ایتک خاصه سنی حائردر . دیمککه عمومیتله شخصیت و اوزلک دنیان مفهوم - لسانله برابر برملتک موجودیت مادیه سندن عبارتدر . هر مادی بر وجودک بر شخصیتی واردر ، یعنی اوئی باشقه وجودلردن ، باشقه اشیادن تمیز ایدن خصوصاتی واردر . بوجهت بوتون کائناته مشترک بر حقیقتدر ؛ کائناده عینیت یوقدر . عینیت اولما بنجه شخصیت لایبدر ؛ عین طاشک ایکی پارچه سی تماماً یکدیگریک عینی دکلدر . شکل ، ترکیب ، ماده آرا لرنده مطلق بفرق واردر . بفرق ایشته اولنلک خصوصیتلرینی شخصیتلرینی تعیین ایدر . عین ملتک مختلف افرادی قطعاً یکدیگرینه بکزه مزلر . . الکی مشابه اولانلرک آراسنده بیله عظیم فرقلر واردر که بفرقلر ایله آنلرک شخصیتلری تمیز ایدر .

کذا ملت موجودیتی ایله بیله بر شخصیتی حائردر . دیگر ملتلردن مطلق تمایز ایدر . فقط بوشخصیت فلان اخلاق و حقوقه مشروط دکلدر . من حیث هو ، هو ، هودر . درجه تکاملنه کوره هر هانکی اخلاق و حقوقی اکتساب و ادراک ایتک قابلیتینی حائردر ؛ اسکی لاینلرک دیدکلری کی *homo sum et nihil humnum mihi alienum est* اناسم ، انسانی هیچ بر شیء بکا بیانچی دکلدر . بر انسان ایچون حقیقاً انسانی هیچ برشی بیانچی عداولنه ماز ! کوستاولوبونک منجمد عرق حقنده کی نظریه سی بوکون جدی هیچ بر عالم طرفندن قبول ایدلمیور . بر زمانلر طوغری کورونور کی اولان بو نظریه یی عصرک خارق العاده حادثه لری تماماً تکذیب ایتدی .



دونوسلم ترقی ده یوکسلکره چیقامیه جقلری فرض اولنان بر چوق عنصرلر بوادعانک تماماً عکسینی اثبات ایتدیلر ؛ مثلاً عرق اصفره منسوب ژاپونیالیلر - آریا عرقه منسوب اولان روسلردن دهاچابوق و دهاهایی مدینت حاضرده انطباق خاصه سنی ابراز ایتدیلر . عرق اسوده کلنجه حیوان ایله انسان آراسنده برنوع مخلوق عدا اولنان

بوعرق - شرائط حيات د کيشنجه - يوکسک عداولنان عرقلرک يادقلريني يامقده
 چکمه ديلر . آمريکا سياحلي مدنيت حاضرته بويوک انطباق خاصه سي
 کوسترمکده درلر . ديمککه انسان هر يره انساندر . هرانسان تظاهرنک ماليدر .
 ايشنه الويرير هر شيشي هر يردن آلابيلير . بونکله شخصيتي او غائب ايتمز . بالعکس
 - تأيد و تقويه ايتمز اولور . شخصيتک يکي تظاهراتنه يکي ساحه لر آچش بولنور .
 زيرا بوقا ريده سويلديکمز وجهه - شخصيت هيچ بر معين شرط ايله محدود
 اولمديغندن ماهيتي اعتباريله Suis generis اولديغندن هر ملت ايستراسته مز بلا شعور
 وغير اختياري - بتون مکتسباتنه او فطري اولان شخصيتي در حال ويرير :
 نصل شعاع شمس مختلف محيطلردن کچرکن - مختلف طيفلر ترتيب ايدرو مختلف
 صورته انعکاس ايدر ، ايله ده عين مدنيتک مختلف و متعدد تظاهراتي ، مؤسسه لري ،
 مختلف ملتلرک روحلردن کچرکن - مختلف شکل و رنگلر آلير ! هر ملت
 آنلرده - کندينه خاص اولان فطري شخصيتي عکس ايتديرير ! بو خصوصي بز
 هر کونکي مشاهداتمز و تجربه لر يمز ايله تحقيق ايد بيليرز : ليکنز مثلاً عين مدنيت
 منسوب حتی عين عرقلردن مختلف اقوامي ! آره لرنده حاکم و بارز اولان حادثه
 - عينيت دکل - بالعکس اختلاف اشکالدر ! عين مدنيت منسوب عين عرقلدن
 ملتلردر . فقط آره لرنده نه قدر فرقلر وار ! فرانسز تمغاسي ، انگليز تمغاسي ، نمسه
 تمغاسي ! عين مثالي اسلام مدنيتنه تطبيق ايد يکنز ؛ فارسيلر ايله تورکلر ، کوردلر
 ايله عربلر آره سننده خصوصيت ، تمغا اعتباريله نه قدار فرقلر واردر . عين مدنيت
 بونلرک مختلف روحلردن کچرکن - مختلف صورته عکس ايتميدر ، ماهيت
 براما اشکال متعدد ! وايسته شو تعدد اشکال ، شو خصوصيت - اوملي شخصيت در .
 اوزلک دينلان شي بوندن عبارت ايسه - بوفطري در ، مقدر در ، غير اختياريدر .
 ايستراسته مز کنديني کوستير . هيچ برا کتساب و اقتباس آني تهلکيه القا
 ايتمز . بالعکس تظاهراتي ايجون يکي ساحه لر تهيه ايدر .

شخصيت مليه يي حرکتسز اولديرير . کرک فردلرده و کرک ملتلرده حيات
 نه قدار قويو و قوتلي ايسه شخصيت ده اونستده زياده در . اهتزازات قليه سني يکي
 آهنگلر ايله ترنم ايدمه ين ، ذکا و دماغنک محصوللري ايله بشري فيضناک ايتمه

مقتدر اوله میان، فعالیتک ثمره لرینی بازار عمومی به حیقارامیان جماعتلر هانکی شخصیتدن هانکی اوزلکدن بحث ایده بیلرلر؟

بزه کلنجه لسانمزی اجنبی لره دکل کویلولریمزه بیله اوقوتدیرامدق؛ ابتدائی برزراعتدن بشقه المزده ملی دنیه جک برصنتمز یوق؛ ذکا و دماغمزک ساحه جولانی بک محدوددر. قلممزک ضربائی - بک ضعیف در. ینه برکت ویرسونکه هرکسک متمم اولدینی او عمومی سفرده حصه مزه اصابت ایدن قیرینتیلرله بر نوع اداره مصلحت ایتمکه ظواهری قورتارمغه جبالیورز: کوستاولوبون، دور کهایم، برغسون وداها بشقه لری اولسه ایدی دماغمزک بتون خطی ینه واسکی تصوفه نک خارجنه چیقمزدی. فرانسه ادبیاتک تأثیری اولسه ایدی میخانه وخرابات ادبیاتک ایچنده بوغولوب قالمش اوله جقدق. مغلوبیتمز قطعی و غالب مدیتک تمثیلی مبرمدر! یوحقیقتی نه قدار آجی اولسه اعتراف ایتلی وایجابجه حرکت ایتلیدر. وهمده قطعی، آجق، بلاقید و شرط حرکت ایتلیدر، کندیمزی کله لر ایله، آلدادیجی نظریه لر ایله، عوامقربانه «اداره مصلحت» لرایله اویالاماملیز. اطرافمزده طوفانلر اولیور قیامتلر قویبور! صالح قونفرانسی اعضاسندن جنوبی آفریقانک برمرخصی «جنرال سمیت» بوگونکی وضعیتی آئیده کی وجیز جمله ایله تعریف ایتمشدر:

«بشریت یکیدن چادرلرینک ایلرینی چوزدی و او ابدی سفرینه باشلایوب یکی وهنوز غیرمعین افکاره طوغری یول آلدی.»

ایواد که بشریتک کوچوب برقدینی بو مرحله دن بیله هنوز بک اوزاغز. اوزابه وارمق ایچون بیله بطنلر لازمدر!

بوگون اطرافمزده قویوب قاینایان طوفانلر مدنی بشریتک بوتون اساسات اجتماعی، اقتصادی وسیاسیه سنی و بوتون فکری وحسی قیمتلرینی آلت اوست ایتمکده در! بزم ایچون دها بک اوزاق بر مفکوره کی بلیرن موجودله بشریت کفایت ایتیه رک کندیسنه یکی یکی مفکوره لر، شعورلر، اساسلر آریبور.

بزدکل اونکه هم حال و هم بال اوله رق اوجق، اونک براقوب کیتدیکی یردن بیله بک اوزاغز اینئه علیه کله لر ایله، نظریه لر ایله، اداره مصلحتلر ایله یاریم چاره لر ایله کندیمزی اویالامق، وقت غائب ایتک زمانی چوقدن کچمشدر! (سوک وار) آغاوغلی احمد